

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

Hobi Saya Adalah...

Nazlin Emieza Binti Ngah

Fakulti Pengurusan dan Perniagaan, Universiti Teknologi MARA Cawangan Terengganu

Emel : nazlin5316@uitm.edu.my



Di suatu pagi yang dingin, memandu ke pejabat sambil ditemani celoteh beberapa orang pengacara radio, kadang tergelak sendiri, kadang ikut menyanyi menghibur diri. Hati rasa tertarik dengan topik bual pagi yang dihidangkan waktu itu. Topiknya 'simple' tetapi menggigit nostalgia.

"Apa hobi anda dari kecil sehingga kini"? Itu adalah persoalan yang diutarakan, ada yang membalas melalui mesej, ada yang menghubungi konti bercerita tentang hobi mereka. Menarik!!

Tiba tiba, terkenang kembali hobi semasa kecil dulu. Cikgu bertanya tentang hobi dan kawan-kawan sibuk mengangkat tangan dan kusyuk bercerita mengenai hobi masing-masing. Ada yang hobinya mengumpul setem, ada yang suka mendengar muzik, ada yang suka membaca buku dan macam-macam lagilah.

Tersentak apabila mendengar nama dipanggil, "Nazlin, hobi

kamu apa?”. Alamak, berderau darah, sebolehnya tidak mahu berkongsi hobi sendiri, bimbang ditertawakan. Selepas didesak, dengan berat hati, bangun berdiri, ada 40 pasang mata memandang... “ermmm hobi saya mendengar hobi orang lain cikgu”. Dan seperti yang dijangkakan, meletuslah 40 suara ketawa menggamat kelas. Cikgu pun tersenyum kambing dan meredakan kelas. “Bagus hobi awak, unik”. Ok, bangga sekejap. Betul, hobi saya agak unik, saya suka mendengar dan catit apa hobi orang lain. Agak pelik bunyinya, tetapi hasil dari mengumpul hobi dan impian orang lain, saya mula memasang impian dan angan-angan untuk menjadi berjaya seperti orang lain. Saya mempunyai beberapa buah buku koleksi hasil menulis hobi orang lain, sayangnya buku-buku tersebut rosak dimakan anai-anai. Akan tetapi, memori kenangan kekal tersimpan di dalam hati.

Kecoh di media sosial mengenai seorang bapa membakar hobi anaknya. Si anak mempunyai koleksi kenangan artis-artis korea kegemaran beliau. Beliau sanggup menghabiskan wang ringgit bagi menyempurnakan minat beliau. Jika kita lihat dari segi psikologi, perbuatan si ayah mungkin boleh mencederakan emosi anak. Walau bagaimanapun, netizen tidak perlu mengecam perbuatan si ayah. Mungkin ada sisi lain yang kita semua tidak tahu untuk kebaikan si anak.

Sebenarnya, memiliki hobi yang dibuat pada masa lapang sangat membantu meningkatkan kecerdasan dan kesihatan otak. Selain itu juga, ianya boleh membantu badan kita lebih rileks selepas habis bekerja atau belajar. Hobi tidak semestinya perlu mengeluarkan belanja yang besar, cukup sekadar duduk di balkoni sambil mendengar muzik sahaja pun sudah dikira sebagai hobi.

Secara tidak sedar, hobi membentuk keperibadian dan intelektual seseorang. Perasan atau tidak, kita banyak belajar pelbagai benda baru. Kita mula mencari idea dan secara tidak sedar berkenalan dengan rakan-rakan baru yang mempunyai minat yang sama dengan kita. Sebagai contoh, ada diantara kita yang mempunyai hobi menanam pokok. Sebelum mula bertanam, kita akan mencari ilmu langsung atau tidak langsung tentang teknik-teknik bercucuk tanam, cara penjagaan pokok dan ada yang mendapat rakan baru apabila sama-sama berkongsi pendapat. Bukan itu sahaja, ada yang berjaya menjana pendapatan dengan menjual hasil dari hobi dan secara tidak langsung membantu membaiki ekonomi keluarga. Disinilah secara tidak sedar terbentuknya personaliti yang lebih menarik dan hebat serta amat bagus untuk kesihatan mental kita. Menarik bukan!

Apa hobi anda...jom kita kongsi!



BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com